

大家島西在郡

昔者纏向日代宮御宇天皇巡幸之時此村有土蜘蛛名曰大身拒皇命不肯降伏天皇勅命誅滅○中

值鹿島在郡西南之海中有烽家三所

昔者同天皇巡幸之時在志式島之行宮御覽西海中有島煙氣多覆勅遣陪從阿曇連百足令察之島有八十餘就中二島島別有人第一島名小近土蜘蛛大耳居之第二島名大近土蜘蛛垂耳居自餘之島並人不在於茲百足獲大耳等奏聞天皇勅且令誅殺時大耳等叩頭陳聞曰大耳等之罪實當極刑雖被戮殺不足塞罪若降恩情得再生者奉造御贄恒貢御膳即取木皮作長蛇鞭蛇短蛇陰蛇羽割蛇等之樣獻於御所於茲天皇垂恩赦放更勅云此島雖遠猶見如近可謂近島因曰值嘉島○中此島白水郎容貌似隼人恒好騎射其言語異俗人也

〔肥前風土記杵島郡〕孃子山在郡東北

同天皇行○景行幸之時土蜘蛛八十女又有此山頂常捍皇命不肯降服於茲遣兵掩滅因曰孃子山

〔肥前風土記藤津郡〕能美鄉在郡東

昔者纏向日代宮御宇天皇○景行幸之時此里有土蜘蛛三人兄名大白次名小白弟名小白此人等造堡隱居拒皇命不肯降服爾時遣陪從紀直等祖禰日子令以誅滅於茲大白等三人但叩頭陳己罪過共乞更入奉主人因曰能美鄉

〔肥前風土記彼杵郡〕昔者纏向日代宮御宇天皇○景誅滅球磨噲吟之時天皇在豐前國宇佐海濱行

宮勅陪從神代直遣此郡速來村捕土蜘蛛○中

浮穴鄉在郡北

同天皇在宇佐濱行宮詔神代直曰朕歷巡諸國既至平治未被朕治有異徒乎神代直奏云波煙之起村未猶被治即勅直遣此村有土蜘蛛名曰浮穴沫媛捍皇命甚無禮即誅之曰浮穴鄉